

書名 錦繡萬花谷別集三十卷 嘉靖十五年序錫山秦汴鑄石書堂刊本後修

撰者 宋 闕名 撰
卷 卷二十三
內容分類 子-類書-彙考-宋
索書號 大木-子部-類書類-31
編號 C5924800

卷二十三

彩色首頁1

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本 錦繡萬花谷別集三十卷 嘉靖十五年序錫山秦汴鑄石書堂刊本後修](#)

版權所有: 東京大學 東洋文化研究所

[使用上的注意事項](#)

錦繡萬花谷別集卷之一



陔註 廣雅云九天之際曰九垓九天之外次曰九垓垓也陔階也言階次有九

銅儀 名臣奏曰今史官所用候臺銅儀則混天法也述征 曰長安南有靈臺上有銅渾天儀

入下 晉天文志天形南高而北下日出高故見日不見天之居如倚蓋

漢天文志天運三十歲一小變百年中變五十二大變一紀三紀而大備

太元經闔天謂之宇闔天謂之宙

唐天文志元宗詔一行與梁令瓚鑄

湖中見船同前徐禧學士舟次彭蠡湖面白霧四起見二朱漆巨舟旌旗赫奕搖櫓者肅而不譁相去百餘丈而逝又見朱艦間以金碧相踵而去又見二白艦載甲士數千戈甲森列尾三舟而行船速益小

茅處士叱鬼括異志劉煒侍郎有別第在襄陽煒卒長子庫部又卒乃鬻其第爲茅處士所得夜聞呼曰庫部來俄一人頂帽從數鬼叱茅曰我第尔何敢據速去無賈禍也凡三夕至其聲愈厲茅叱曰尔昔爲人今爲鬼矣尚恃貴氣敢爾耶我若擅居爾第宜迫我出爾子不肖不能保有先人舊廬售貨於我尚敢逐我耶言訖反叱令速出鬼遂遁去

錦繡萬花谷別集卷之二十二

錦繡萬花谷別集卷之二十三

夢寐

夢遊華胥國列子黃帝晝寢夢遊華胥氏之國旣覺怡然自得天下大治哉若華胥之國

夢帶印綬登樓後漢張奐爲武威太守其妻懷孕夢帶

負印綬登樓而歌訊之占者曰必將生男復臨茲邦綸此樓旣而生子猛以建安中爲武威太守殺刺史邯鄲商州兵圍之急猛耻見擒乃登樓自燒而死卒如占云

夢書白駒子唐杜牧夢人告曰爾應名畢復夢書皎皎白駒字俄而炊餽裂牧曰不祥也乃自爲墓誌悉取所爲文章焚之

枕中記陳翰異聞集載開元中道者呂翁經邯鄲道上

邱舍中有邑少年盧生同止于邱主人方蒸黃糧共術其熟盧不覺長嘆翁問之具言生世罔厄翁取囊中枕以授盧曰枕此當榮適如願生俛首但記身入枕穴中遂至其家未幾登高第歷臺閣出入將相五十年子孫皆列顯仕榮盛無比上疏曰臣年逾八十位列三台空負深恩永辭聖代其夕卒盧生欠伸而寤昌翁在旁黃梁尚未熟生謝曰此先生所以窒吾欲也敢不受教再拜而去

南柯太守 異聞集載淳于棼家廣陵宅南有古槐生豪飲其下因醉致疾二友扶生歸卧東廡夢二紫衣使者曰槐安國王奉邀生隨二使者上車指古槐入一穴中大城朱門題曰大槐安國有一騎傳呼曰附馬遠降引

生升廣殿見一人衣素練服簪朱華冠令生拜王王曰前奉賢尊命許令女瑤芳奉事君子有數十仙姬奏樂執燭引至一門號修儀宮一女子號金枝公主儼若神仙交懽成禮情義日洽王曰吾南柯郡政事不理屈卿為守勅有司出金玉錦繡僕妾車馬施列廣衢餞公主行累日達郡下車省風俗察疾苦郡中大理凡二十載百姓立生祠王賜爵錫邑位居台輔生五男二女榮盛莫比公主遇疾而薨生護喪歸葬於盤龍岡生以貴戚威福日盛有人上表云玄象謫見国有大恐都邑遷徙宗廟崩壞事在蕭牆時議以生階侈之應王因命生曰卿可暫歸本里一見親族諸孫留此無以為念復令二使者送出穴遂寤斜日未隱西垣餘尊尚留東牖因與

二客尋古槐下穴洞然朗朗可容一榻上有土壤爲城郭臺殿之狀有蟻數斛二大蟻素翼朱首乃槐安國王也又窮一穴直上南枝羣蟻亦處其中卽南柯郡也又一穴盤屈若龍蛇狀有小墳高尺餘卽盤龍岡也生追想感嘆遽遣掩塞是夕風雨暴發旦視其穴遂失羣蟻莫知所之所謂國有大恐都邑遷徙此其驗也

靈芝宮東軒雜錄云王安國字平甫熙寧六年冬直宿崇文院夢有邀至海上宮殿甚盛笙簫大作題曰靈芝宮有人隔水止之曰時未至且令芸恍然夢覺禁中已鳴鐘矣平甫爲詩曰萬頃波濤木葉飛笙簫宮殿號靈芝揮毫不似人間世長樂鐘鳴夢覺時後四年平甫卒又三年太常魯阜夢輿平甫曾因吊之曰平甫不幸早

世今所處良苦如何但見平甫笑而不止傍一人曰平甫已列仙官矣其樂非塵世比也阜喜而寤

夢棺夢穢晉殷浩字深源或問曰將蒞官而夢棺將得財而夢糞何也浩曰官本臭腐故將官而夢棺錢本糞土故將得錢而夢穢時以爲名言

詩夢裏行人事覺來思夢前不知今亦夢更把夢來原○夢裏常言夢如今覺後知不知亦夢更有覺來時並邵歲逢困敦斗申指辰次庚辰漏傳子夢出城闔登古原草木蒙天帶流水千夫荷鍾開久殯前有一人狀瓌偉素冠長跪烝酒殺云是劉郎字全美馬鳴車響斷還續人境晦明秋色裏旣寤茫然失所遭河轉星翻汗如洗世傳夢凶常得吉神物戲人良有旨全美聲名海

縣聞閉久當開乃其理娟娟二十四橋月月下吹簫聊爾耳洗眼看君先一鳴九萬扶搖從此始答劉全美

吉兆

閤中有麻生 紀異錄鄭珪李愚同為學士鄭閤中一麻生李曰承旨入相矣余願當制得盡荒虛時亢旱甚又麻獨茂盛霜降成實即白麻也是夜制出鄭果登庸

白沙相公 同前李愚所居暴雨一庭俱為白沙及薨得地於白沙里時號白沙相公

打毬一棒為猛入 洛中記莊宗詔孟知祥鎮成都先是蜀人打毬一棒便入湖子者為猛入語訛為孟入得蔭一籌後孟氏盡得兩蜀至子昶一籌者果一子也

刺史坐法曹廳 定命錄陸景融為新鄭令有客曰公三十年後為此州刺史所坐當於法曹廳坐後果為刺史所坐廳乃法曹舊廳往年刺史嫌州宅偏及遂通法曹廳為廳

凶兆

北斗君主簿 幽明錄許攸夢烏衣吏奉漆案上有六封文書拜跪曰府為北斗君陳康為主簿既覺康忽來謁攸曰我作道師死不過作社公今得北斗主簿余為忝矣明年同日而死

休閤有著屐聲 同前王輔嗣註易笑鄭玄云老奴甚無意夜久忽聞外閤有著屐聲須臾自入自云是鄭玄曰君少年何以穿鑿文句妄談老子言訖而去嗣輔暴卒

朝霞詩

紀異錄趙霖朝霞詩云不因紅日照長作白雲

飛然太陽一照不火之象後及第升朝賜緋而卒

天漢一聯洛中紀異王德輿有詩名嘗有一聯云天漢尚不正河源爭得清崔胤相國聞之大不悅竟流落而死

喪葬

夢覺奔喪後漢范式字巨卿與汝南張劭為友劭字元伯式仕為郡功曹元伯寢疾卒式忽夢見元伯玄冕垂纓屣履而呼曰巨卿吾以某日死當以某時葬子未我忘豈能相及式恍然覺寤悲嘆泣下具告太守請往奔喪太守許之式便服朋友之服投其葬日馳往赴之式未到而喪已發引既至壙將窆而柩不肯進其母撫之曰元伯豈有望耶遂停柩移時乃見素車白馬號哭而

來母望之曰是必巨卿也巨卿既至叩喪言曰行矣元伯死生異路未從此辭因執紼而引柩於是乃前式遂留家為脩墳樹然後乃去

得馬與被

後漢王忱結音嘗詣京師於空舍中見一書生

疾困謂忱曰我當到洛陽而被病命在須臾腰下有金十觔願以相贈死後乞藏骸骨未及問姓名而命絕忱卽鬻一觔營其殯葬餘金悉置棺下人無知者後歸數年縣署忱大度亭長初到之日有馬馳入亭中而止其日大風飄一繡被墮忱前言之於縣縣以歸忱後乘馬到雒縣馬奔走牽忱入他舍主人見之問忱所由得馬忱具說其狀并及繡被主人悵然良父乃曰被與馬俱亡卿何陰德致此忱自念有葬書生事因說之并道書

生形貌及埋金之事主人大驚愕曰是我子也姓金名彥前往京師不知所在何意卿乃葬之大恩久不報天以此章卿德耳

李德裕見夢唐李德裕貶崖州司戶明年卒見夢令狐綯曰公辛亥我使得歸葬綯懼曰衛公精爽可畏不言禍將及白于帝得以喪還

羸葬漢楊王孫學黃老之術及病且終先令其子曰吾欲羸葬以反吾必亡易吾意死則爲布囊盛尸入地七尺既下從足引脫其囊以身親土

書生指葬地後漢袁安父卒母使安訪求葬地道逢三書生問安何之安爲言其故生乃指一處云葬此地當世爲上公須臾不見安異之遂葬其地故累世隆盛焉

種瓜得也葬母幽真錄孫鍾少時家貧種瓜瓜熟有三

人來乞瓜鍾引入菴中設瓜及飯飯訖謂鍾曰蒙君厚惠今示子葬地欲得世世封侯欲爲數代天子又曰我司命也君下山百步勿反顧鍾下六十來步回看並爲白鶴飛去鍾遂於此葬母冢上有氣屬天鍾後生堅堅生權權生亮及休權孫和生皓爲晉所滅降爲歸命侯

織女助償貸錢漢董永少失母養父家貧傭力農月以

小車推父置田頭陰樹下而營農作父死後就主人貸錢一萬約賣身爲奴遂得錢葬父還於路忽遇一婦人姿容端美求爲永作妻永乃俱詣主人令永妻織縑三百匹放汝夫妻乃當機織一月而畢主人怪其速遂放之相隨至舊相遇處輒辭永曰我天之織女也緣君至

孝天帝令助君償債言訖凌空而去

天子之宮夾我墓

史記秦武王以樗里子甘茂為左右

丞相疾卒葬渭南章臺東曰後百歲富有天子之宮夾我墓至漢興長樂宮在其東未央宮在其西

白楊

杜壯遊詩四郊多白楊註云白楊墳上之草也又

陶潛挽歌云荒草何茫茫白楊亦蕭蕭

葬用紙錢

唐王與權太常博士為祠祭使專以祠解中

帝意有所懷被大抵類巫覡漢以來葬皆有瘞錢後世里俗稍以紙寓錢為鬼事至是與及用之

覡胡狄反男巫胡狄反男

帝成白玉樓

李商隱李賀小傳長吉將死時忽書見一

緋衣人駕赤蚪持一版書若太古篆或霹靂石文者云召長吉長吉了不能讀歛下榻叩頭言阿獼老且病不

願去緋衣人笑曰帝成白玉樓立召君為記天上差樂不苦也長吉獨泣邊人盡見之長吉氣絕常所居窓中勃勃有煙氣聞行車嚙管之聲太夫人急止人哭待之如炊五斗黍許時長吉竟死

馬元興置棺前

後漢周磐建光初歲朝令其二子曰吾

日者夢見先師東里先生與我講于陰堂之奧既而長嘆豈吾齒之盡乎若命終之日寫堯典一篇以置棺前示不忘聖道其月望日無病忽終學者以為知命

抱母棺號哭

後漢蔡順母終未及葬里中火將逼其舍

順抱伏棺柩號哭火遂越燒他室

積善之墓

唐張說字道濟或字說之嘗自為其父碑帝

為書其額曰積善之墓

重名不重官裴敬作李翰林墓碑云貴盡皆然名存則難故子重名不重官

以天地爲棺槨莊子列御寇篇莊子將死子欲厚葬之莊子曰吾以天地爲棺槨以日月爲連璧星辰爲珠璣萬物爲齎送吾葬具豈不備邪何以加此弟子曰吾恐烏鳶之食夫子也莊子曰在上爲烏鳶食在下爲螻蟻食奪彼與此何其偏也

置餘金棺下唐李勉字玄卿少貧俠客梁宋與諸生共逆旅諸生疾且死出白金曰左右無知者幸君以此爲我葬餘則君自取之勉許諾既葬置餘金棺下後其家謁勉共啓墓出金付之

文選梁武帝孝思賦念過隙之倏忽悲逝川之

不停踐霜露之悽愴懷燧穀而涕零仲由念枯魚而求慕虞舜感風木之長悲

哀挽

老父哭龔勝漢龔勝死有老父來弔哭甚哀旣而曰嗟乎薰以香自燒膏以明自消龔生竟天天年非吾徒也遂趨而出莫知其誰

重泉山巨源哭嵇康曰中散死埋王重泉沉珠滄海不重見斯人矣

諸葛亮亡人皆野哭

薤露蒿里歌文選挽歌序云漢高召田橫至尸鄉自殺從者不敢哭而不勝哀故爲悲歌以寄其情後續之爲薤露蒿里歌以送喪也至李延年分爲二等薤露送王

公貴人蒿里送士大夫庶人使挽柩者歌之故呼爲挽歌

蒿里

杜哭李尚書詩漳濱與蒿里逝水竟同年詩

云劉公幹

云余嬰流痼疾實身清漳濱

坐中流淚

續漢書曰大將軍梁商三月上巳日會洛水

倡樂必樂極約於薤露之歌坐中流淚

錦繡萬花台別集卷之二十三



